

НА ЛИТИИ

Поется стихира храма, затем:

**Стихиры ап. Филиппа: Глас 4,
подобен: «Яко добля в мученицех...»:**

**Тростию благодати/ от глубины суетства человеки извлекл еси,
досточудне,/ Учителя манием повинувся, Филиппе,/ просвещшаго
по всему твое разумение,/ и апостола, и честна Богоглагольника,/
тя, всеблаженне, показавша,// Того непостижимаго Божества.**

**Духа сияние на тя сниде во огненне виде/ и тя, блаженне, Божест-
венное приятелище содела,/ скоро отгоняща безбожия мглу/ и мир
просвещающа сиянием всемудрых твоих словес,/ тайноглагольни-
че, апостолов украшение,// Христов самовидче блаженне.**

**Молниями проповедания/ во тьме сидяция неведения, славне, про-
светив,/ показал еси сыны Владыки и Бога веры ради./ Егоже стра-
стем ревновал еси и смерти/ и славы был еси наследник,/ яко мудр
и Богоглаголив,// яко ученик истины.**

«Слава» - глас 2:

**Оставив земная, последовал еси Христу,/ и знаменався дохновени-
ем Святаго Духа,/ послан быв от Него в языки погибшия/ обраща-
ти человеки во свет Богознания,/ апостоле Филиппе,/ и, скончав
подвиги Божественныя твоя страсти/ и мук различных,/ душу
твою Христу предал еси./ Того моли, всеблаженне,// даровати нам
велию милость.**

«И ныне» - Богородичен воскресный (по гласу «Славы»), глас 2:

**О чудесе новаго всех древних чудес!/ Кто бо позна мать без му-
жа рождшую,/ и на руку носящую, всю тварь Содержащаго?/ Бо-
жие есть изволение Рождшееся./ Егоже, яко Младенца, Пречис-
тая,/ Твоима руками носившая,/ и Матернее дерзновение к Нему
имущая,/ не престай молящи о чтущих Тя,// ущедрити и спасти ду-
ши наша.**

НА СТИХОВНЕ

Стихиры воскресные, [глас 6-й].

«Слава» - Стихира ап. Филиппа, глас 2:

Чаши аромат в мире ланиты твоя, мудре, явѣшася,/ апостоле Фи-
липпе,/ почерпающий верным пиво животворное./ Деяния бо в ви-
дения восхождѣние имѣй,/ Христа последователь и приветствователь
был еси,/ неплодную и безчадную языков Церковь/ украсил еси по-
ученьми, благочаждующу в нем./ Ейже и ныне моли избавитися
нужд и обстояний, // можеш бо о Бозе много, приближаясь Ему.

«И ныне» - Богородичен воскресный по гласу «Славы», глас 2:

О чудесе новаго всех древних чудес!/ Кто бо позна мать без мужа
рождшую,/ и на руку носящую, всю тварь Содержащаго?/ Божие
есть изволение Рождшееся./ Егоже, яко Младенца, Пречистая,/
Твоима рукама носившая,/ и Матернее дерзновение к Нему имущая,/
не престай молящи о чтущих Тя, // ущедрити и спасти души наша.

По Трисвятом – «Богородице Дево...» (трижды).

НА УТРЕНЕ НА «БОГ ГОСПОДЬ»

Тропарь воскресный, [глас 6-й]. Дважды.

«Слава» – Тропарь апостола Филиппа, глас 3:

Благоукрашается вселенная, Ефиопия ликовствует,/ яко венцем кра-
суема, тобою просветившись,/ светло торжествует память твою,/ бо-
гоглаголиве Филиппе,/ вся бо веровати Христу научил еси/ и течение
совершил достойно Евангелия./ Тем дерзновенно варит Ефиопская
рука к Богу, // Егоже моли даровати нам велию милость.

«И ныне» – Богородичен воскресный по гласу «Славы»:

Тя ходатайствовавшую Спасение рода нашего,/ воспеваем, Богоро-
дице Дево;/ плотию бо от Тебе восприятою Сын Твой и Бог наш,/
Крестом восприим страсть, // избави нас от тли, яко Человеколюбец.

Полиелей. Величание апостола и избранный псалом. «Ангельский собор...». **Степенны и прокимен – гласа.** «Воскресение Христово видевше...». **По 50-м псалме:** «Слава» – «Молитвами апостолов...». **Стихира воскресная, глас 6-й:** «Воскрес Иисус от гроба...».

Ирмосы воскресные. Катавасия «Отверзу уста моя...». **На 9-й песни поем** «Честнейшую». **По 9-й песни –** «Свят Господь Бог наш».

НА ХВАЛИТЕХ СТИХИРЫ НА 8:

воскресные, глас 6-й – 4,

**Стихиры ап. Филиппа: Глас 8,
подобен:** «О, преславного чудесе...»:

5. Стих: Хвалите Его в тимпане и лице,/ хвалите Его во струнах и органе.

О, преславного чудесе!/ Рыбы иногда ловяй апостол,/ человек ловец бысть Воспроизведенный,/ словес мрежею языки улови,/ креста удицею мир возвлече./ **О,** какову ловитву Богу принесе Богоделатель!// Егоже память ныне празднуем.

6. Стих: Хвалите Его в кимвалех доброгласных, хвалите Его в кимвалех восклицания./ Всякое дыхание да хвалит Господа.

О, преславного чудесе!/ От Бога послан, посреде волков, яко овча,/ небоязненно прохождаше апостол Филипп,/ звери агнцы верою яви,/ мир Божественно претихийствова./ **О,** дел веры! **О,** сил изящнейших!/ Егоже молитвами, Христе,// спаси души наша, яко един Благутобен.

7. Стих: Во всю землю изыде вещание их/ и в концы вселенныя глаголы их.

О, преславного чудесе!/ Кладязь, точащий жизнь мудростным черпанием,/ сущим в мире бысть апостол Филипп./ От негоже струи догматов исходят,/ от нихже чудес быстрины прием./ **О,** колика содея страшная чудеса Богоделатель!// Егоже память верою славим.